

Visoki predstavnik pozdravlja sporazum o sukcesiji SFRJ

Visoki predstavnik, Wolfgang Petritsch, pozdravio je danas u Becu postizanje Sporazuma o sukcesiji bivše Socijalističke Federativne Republike Jugoslavije (SFRJ). Ovaj Sporazum, koga je parafiralo 5 država nasljednica, Bosna i Hercegovina, Republika Hrvatska, Republika Makedonija, Republika Slovenija i Savezna Republika Jugoslavija, osigurao je podjelu prava, obaveza, aktive i pasive SFRJ između ovih država. Visoki predstavnik je uputio čestitke delegacijama pet država kao i svom Specijalnom pregovaraču, Ser Arthuru Wattsu, na postizanju ovog historijskog Sporazuma. Visoki predstavnik je posredovao u posljednjoj rundi ovih odlučujućih pregovora u skladu sa svojim posebnim mandatom za pitanja sukcesije SFRJ.

Visoki predstavnik je također, izrazio svoju zahvalnost austrijskoj vladi, narocito ministru vanjskih poslova gospodji Ferrero-Waldner, te OSCE-u kao domaćinima ovih pregovora.

Postizanje sporazuma o sukcesiji je iziskivalo mnogo rada i odricanja od strane svih delegacija. Ono predstavlja jasan signal za jugoistočnu Evropu da će regionalna saradnja, a ne destruktivni, krvavi rat, osigurati mir i napredak u ovih pet zemalja koje su naslijedile Socje su naslijedile Socijalističku Federativnu Republiku Jugoslaviju. Ovaj sveobuhvatni Sporazum je od velikog značaja za globalnu zajednicu, budući je regionalna stabilnost u jugoistočnoj Evropi u interesu svih.

Visoki predstavnik je podsjetio ovih pet država da moraju i dalje raditi i unaprijedjivati ono što je postignuto, kako bi osigurale svoje puno učešće u novoj Evropi, te je naglasio da će samo putem kompromisa i saradnje biti moguće ostaviti iza sebe tragičnu ostavštinu proteklih godina i krenuti naprijed u

mirnu i sigurnu budućnost.

Vijeće za implementaciju mira je na konferenciji održanoj u Londonu 1995. godine u mandat Visokog predstavnika uključilo pitanja sukcesije SFRJ. Carl Bildt, tadašnji Visoki predstavnik je naknadno imenovao Ser Arthura Watts-a za Specijalnog pregovarača za pitanja sukcesije kako bi iznasaio rješenje za ova pitanja. Odgovornost Visokog predstavnika za pitanja sukcesije, koja bi trebalo da se završi potpisivanjem ovog Sporazuma, nije u vezi sa odgovornošću koju ima Visoki predstavnik, a koja se tiče osiguranja implementacije Dejtonskog mirovnog sporazuma u Bosni i Hercegovini.